



Broj/ Број : 02/2-50-1-13-18/08
Sarajevo/ Сарајево : 15.9.2008.

ZAPISNIK

18. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održane 15.9.2008.

Sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH (u daljnjem tekstu: Komisija) sazvala je predsjedavajuća Komisije Alma Čolo.

Sjednici Komisije, u svojstvu članova, prisustvovali su: Alma Čolo, Rudo Vidović, Adem Ibrahimpašić i Branko Zrno, te Nenad Pandurević, sekretar, i Dobrinka Savić, stručni saradnik u Komisiji. Opravdano su odsustvovali Dušanka Majkić i Slobodan Šaraba.

Sjednici su, u svojstvu predlagača i izvjestilaca, prisustvovali: Miroljub Krunić, pomoćnik ministra finansija i trezora BiH, Amra Kosović, v.d. šefa Odsjeka za međunarodno-pravne poslove u Ministarstvu vanjskih poslova BiH, Biljana Čamur, pomoćnik ministra, i Sanjin Pandžić, viši stručni saradnik za međunarodnu saradnju u Ministarstvu civilnih poslova BiH, Mithat Salić, šef Odsjeka za bilateralne trgovinske odnose, i Nermina Skejović-Hurić, stručni savjetnik, i Mirsad Kikanović, šef Odsjeka za nadgledanje carinske politike u Ministarstvu vanjske trgovine i ekonomskih odnosa BiH, te Savo Marjanac, direktor Sektora privrede u Vanjskotrgovinskoj komori BiH, Radiša Samardžija, načelnik Kabineta direktora u Graničnoj policiji BiH, Željko Knežević, pomoćnik ministra, i Zorica Plakalović, stručni savjetnik u Ministarstvu komunikacija i prometa BiH.

Sjednica Komisije počela je u 14,15 sati.

Prije rasprave o dnevnom redu, predsjedavajuća Alma Čolo podsjetila je da, i pored odsustva oba člana Komisije iz srpskog naroda, Komisija ima kovorum za rad, s obzirom da je posljednjim izmjenama Poslovnika Doma naroda predviđeno da je za donošenje odluka potrebno prisustvo najmanje većine članova Komisije. Dalje je dodala da je za konačne odluke Komisije za koje nije predviđeno izjašnjavanje Doma naroda i dalje neophodno da većina za njihovo donošenje uključuje sva tri konstitutivna naroda, ali da za današnju sjednicu nije predviđeno razmatranje takvih tačaka dnevnog reda.

Nakon toga predsjedavajuća Komisije Alma Čolo predložila je za sjednicu sljedeći

DNEVNI RED

1. Usvajanje Zapisnika 17. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH;
2. Razmatranje Prijedloga zakona o izmjenama i dopuni Zakona o carinskoj politici BiH (prva komisijska faza), predlagač: Vijeće ministara BiH;
3. Davanje saglasnosti za ratifikaciju Dopune člana 1. Konvencije o zabrani ili ograničenju upotrebe određenih vrsta konvencionalnog naoružanja (CCW);
4. Davanje saglasnosti za ratifikaciju Konvencije o zaštiti i promoviranju različitosti kulturnih izraza, Pariz, 20. oktobra 2005.;
5. Davanje saglasnosti za ratifikaciju Memoranduma o razumijevanju između Ministarstva civilnih poslova BiH i Regionalnog ureda Svjetske zdravstvene organizacije za Evropu;
6. Davanje saglasnosti za ratifikaciju Aneksa Sporazuma između Bosne i Hercegovine i Kraljevine Norveške o finansiranju projekta u korist pravosuđa i/ili sudova i tužilaštava u Bosni i Hercegovini;
7. Davanje saglasnosti za ratifikaciju Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Zentralbank Osterreich Aktiengesellschaft – Razvoj sistema vodosnabdijevanja u općini Laktaši;
8. Davanje saglasnosti za ratifikaciju Finalnih akata Regionalne konferencije za radioveze za planiranje digitalnog zemaljskog radiodifuznog servisa u dijelovima Regiona 1 i 3, u frekvencijskom opsegu od 174 do 230 MHz i od 470 do 862 MHz (RRC-06);
9. Davanje saglasnosti za ratifikaciju Sporazuma između Bosne i Hercegovine i Slovačke Republike o unapređenju i uzajamnoj zaštiti ulaganja;
10. Davanje saglasnosti za ratifikaciju Sporazuma o ekonomskoj saradnji između Vijeća ministara BiH i Vlade Republike Slovačke;
11. Davanje saglasnosti za ratifikaciju Konvencije o međunarodnoj trgovini ugroženim vrstama divljih životinja i biljaka (CITES), potpisane u Vašingtonu D.C., 3. marta 1973. i dopunjene u Bonu, 22. juna 1979.;
12. Davanje saglasnosti za ratifikaciju Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske – Ravnateljstva policije - o provođenju mješovitih patrola uz zajedničku državnu granicu;
13. Davanje saglasnosti za ratifikaciju Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske – Ravnateljstva policije - o osnivanju zajedničkih radnih grupa za suzbijanje kriminaliteta;
14. Davanje saglasnosti za ratifikaciju Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske – Ravnateljstva policije - o upućivanju službenika za vezu;
15. Davanje saglasnosti za ratifikaciju Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske – Ravnateljstva policije - o službenom tranzitu preko državnog područja druge ugovorne strane s ciljem postupanja na vlastitom državnom području;
16. Razmatranje 14. monitoring izvještaja Sekretarijata Vijeća Evrope za Bosnu i Hercegovinu: Ispunjavanje obaveza i preuzetih zadataka i provođenje programa o postpristupnoj saradnji (juni 2007. – maj 2008.);
17. Razmatranje Rezolucije Evropskog parlamenta od 10.7. 2008. o dokumentu strategije Komisije za proširenje iz 2007. (2007/2271(INI));
18. Razmatranje zaključaka Vijeća Evropske unije o zapadnom Balkanu usvojenih na sastanku 22. 7. 2008.;
19. Razmatranje izvještaja s putovanja;

- Izvještaj o sastanku Parlamentarnog komiteta Parlamentarne dimenzije SEI, Chisinau, Moldavija, 26.5. 2008.;
 - Izvještaj sa sastanka Općeg komiteta za ekonomske poslove Parlamentarne skupštine Centralnoevropske inicijative, Prag, 12.6. 2008.;
 - Izvještaj s trećeg dijela redovnog zasjedanja Parlamentarne skupštine Vijeća Evrope, Strasbourg, od 23. do 27. 6. 2008.;
 - Izvještaj sa 17.godišnjeg zasjedanja Parlamentarne skupštine OSCE-a, Astana (Kazakhstan), od 29. 6. do 3. 7. 2008.;
 - Izvještaj sa 69. Rose-Roth seminara Parlamentarne skupštine NATO-a, održanog na Svetom Stefanu, od 24. do 26. 7. 2008.;
20. Tekuća pitanja:
- Zapisnik sastanka Komisije za vanjske poslove PDPSBiH i Komisije za vanjsku i trgovinsku politiku, carine, saobraćaj i komunikacije DNPSBiH s novoimenovanim ambasadorima BiH, održanog 2.9.2008.

Predloženi dnevni red usvojen je jednoglasno.

Ad.1. Usvajanje Zapisnika 17. sjednice Komisije

Zapisnik je usvojen jednoglasno.

Ad.2. Razmatranje Prijedloga zakona o izmjenama i dopuni Zakona o carinskoj politici BiH (prva komisijska faza), predlagач: Vijeće ministara BiH

Predsjedavajuća Komisije Alma Čolo istakla je da se Prijedlog zakona razmatra u skladu s članom 98. stav 1. Poslovnika radi dostavljanja mišljenja Domu naroda o principima predloženog zakona. Dodala je da je Vijeće ministara BiH u parlamentarnu proceduru dostavilo, 26.6.2008., Prijedlog zakona o izmjenama i dopuni Zakona o carinskoj politici BiH, s prijedlogom da se razmatra u osnovnom zakonodavnom postupku.

Predstavnički dom usvojio je Prijedlog zakona o izmjenama i dopuni Zakona o carinskoj politici BiH u drugom čitanju na 34. sjednici, održanoj 3.9.2008. Također, Ustavnopravna komisija Doma naroda Parlamentarne skupštine BiH razmatrala je Prijedlog zakona na 24. sjednici, održanoj 15.7.2008., i dostavila mišljenje o postojanju valjanog ustavnopravnog osnova za usvajanje navedenog zakona i usklađenosti sa Ustavom BiH.

Predsjedavajuća je podsjetila da je, shodno odredbama člana 98. stav 2., dostavljeno i mišljenje Direkcije za evropske integracije BiH u kojem je istaknuto da je „analizom primarnih i sekundarnih izvora prava Evropske unije utvrđeno da materija koja se uređuje Prijedlogom zakona nije regulirana pravno obavezujućim aktima Evropske unije, odnosno da je predmet reguliranja nacionalnih pravnih propisa zemalja članica“.

S obzirom na sve prethodno kao i na činjenicu da se Prijedlogom zakona predviđa samo izmjena u jednom članu Zakona o carinskoj politici i to oslobađanje od carina proizvoda koji služe za potrebe protupožarne zaštite, predsjedavajuća je istakla da smatra da nije neophodno obrazloženje predstavnika nadležnog ministarstva.

Nakon obrazloženja predsjedavajuće Komisije s kojim se složio i predstavnik nadležnog Ministarstva vanjske trgovine i ekonomskih odnosa BiH, članovi Komisije jednoglasno su podržali principe Prijedloga zakona o izmjenama i dopuni Zakona o carinskoj politici i odlučili da se Prijedlog zakona uputi Domu naroda na razmatranje i usvajanje u Prvom čitanju.

Ad.3. Davanje saglasnosti za ratifikaciju Dopune člana 1. Konvencije o zabrani ili ograničenju upotrebe određenih vrsta konvencionalnog naoružanja (CCW)

Uvodno obrazloženje za tačku 3. dala je Amra Kosović, vršilac dužnosti šefa Odsjeka za međunarodnopravne poslove u Ministarstvu vanjskih poslova BiH. Istakla je da je na Drugoj preglednoj konferenciji Konvencije, održanoj 2001. godine u Ženevi, izvršena dopuna člana 1. Konvencije. Dalje je dodala da je Predsjedništvo BiH na svojoj 29. sjednici, održanoj 17. 1. 2008., donijelo odluku o pristupanju BiH Dopuni člana 1. ove Konvencije. Proveden je postupak pristupanja i prihvatanja u skladu sa Zakonom o postupku zaključivanja i izvršavanja međunarodnih ugovora. Instrument o pristupanju prihvatio je generalni sekretar Ujedinjenih naroda 13.3. 2008, nakon čega se pristupilo postupku ratifikacije u skladu sa zakonom.

Nakon izlaganja predstavnika Ministarstva vanjskih poslova BiH, članovi Komisije jednoglasno su odlučili predložiti Domu naroda davanje saglasnosti za ratifikaciju Dopune člana 1. Konvencije o zabrani ili ograničenju upotrebe određenih vrsta konvencionalnog naoružanja (CCW).

Ad.4. Davanje saglasnosti za ratifikaciju Konvencije o zaštiti i promoviranju različitosti kulturnih izraza, Pariz, 20. oktobra 2005.

Obrazloženje o tački 4. dala je Biljana Čamur, pomoćnik ministra civilnih poslova BiH. Istakla je da je ova konvencija također jedna od obaveza iz Evropskog partnerstva i, ako BiH uspije okončati postupak ratifikacije do 3. 10. ove godine, onda bi se u izvještaju u ostvarenom napretku moglo konstatirati da je BiH ispunila tu obavezu iz Evropskog partnerstva. Dodala je da Konvencija prepoznaje kulturnu različitost kao kamen-temeljac održivog razvoja zajednica, naroda i nacija. Konvencija je veoma značajna za BiH upravo zbog njenog cilja: zaštite i promoviranja njenih kulturnih izraza.

Predsjedavajuća Komisije dodala je da će sjednica Doma naroda PSBiH biti održana 17.9.2008., te da se nada da će nakon toga, do 3. 10.2008., Predsjedništvo BiH donijeti odluku o ratifikaciji predmetne konvencije. *Nakon toga, članovi Komisije jednoglasno su odlučili predložiti Domu naroda davanje saglasnosti za ratifikaciju Konvencije o zaštiti i promoviranju različitosti kulturnih izraza, Pariz, 20. oktobra 2005.*

Ad.5. Davanje saglasnosti za ratifikaciju Memoranduma o razumijevanju između Ministarstva civilnih poslova BiH i Regionalnog ureda Svjetske zdravstvene organizacije za Evropu

Uvodno obrazloženje dao je Sanjin Pandžić, viši stručni saradnik za međunarodnu saradnju u Ministarstvu civilnih poslova BiH. Istakao je da se ovim memorandumom uspostavljaju modaliteti saradnje u oblasti zdravstvene zaštite između Regionalnog ureda Svjetske zdravstvene organizacije za Evropu i različitih nivoa vlasti u BiH. Memorandumom se definira korespondencija kao i predstavljanje BiH na međunarodnim skupovima, te izrada izvještaja prema Svjetskoj zdravstvenoj organizaciji. Ministarstvo civilnih poslova BiH ima koordinirajuću ulogu između zdravstva Federacije BiH i zdravstva Republike Srpske. Predsjedništvo BiH na svojoj 26. sjednici, održanoj 12.11.2007., donijelo je odluku o potpisivanju Memoranduma, što je realizirano 12.3.2008. u Sarajevu.

Nakon izlaganja predstavnika nadležnog ministarstva, članovi Komisije jednoglasno su odlučili predložiti Domu naroda davanje saglasnosti za ratifikaciju Memorandum o razumijevanju između Ministarstva civilnih poslova BiH i Regionalnog ureda Svjetske zdravstvene organizacije za Evropu.

Ad.6. Davanje saglasnosti za ratifikaciju Aneksa Sporazuma između Bosne i Hercegovine i Kraljevine Norveške o finansiranju projekta u korist pravosuđa i/ili sudova i tužilaštava u Bosni i Hercegovini

Ad.7. Davanje saglasnosti za ratifikaciju Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Zentralbank Osterreich Aktiengesellschaft – Razvoj sistema vodosnabdijevanja u općini Laktaši

Predsjedavajuća Komisije Alma Čolo predložila je da se tačke 6. i 7. razmatraju zajedno s obzirom da se odnose na finansijske sporazume, odnosno da su u nadležnosti Ministarstva finansija i trezora BiH.

Prijedlog je prihvaćen, te je nakon toga uvodno obrazloženje dao Miroljub Krunić, pomoćnik ministra finansija i trezora BiH. Istakao je da su prethodne procedure završene u skladu sa zakonom. Aneks Sporazuma između BiH i Kraljevine Norveške predstavlja proširenje finansijske podrške Bosni i Hercegovini. Sporazum o kreditu Raiffeisen Zentralbank Osterreich Aktiengesellschaft ima za cilj finansiranje sistema vodosnabdijevanja u općini Laktaši. Kredit se odobrava pod povoljnim uslovima, bez kamata ali se na pozajmljena sredstva plaća marža u iznosu od 1,232% godišnje.

Članovi Komisije jednoglasno su odlučili predložiti Domu naroda davanje saglasnosti za ratifikaciju:

- *Aneksa Sporazuma između Bosne i Hercegovine i Kraljevine Norveške o finansiranju projekta u korist pravosuđa i/ili sudova i tužilaštava u Bosni i Hercegovini;*
- *Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Zentralbank Osterreich Aktiengesellschaft – Razvoj sistema vodosnabdijevanja u općini Laktaši.*

Ad.8. Davanje saglasnosti za ratifikaciju Finalnih akata Regionalne konferencije za radioveze za planiranje digitalnog zemaljskog radiodifuznog servisa u dijelovima regiona 1 i 3, u frekvencijskom opsegu od 174 do 230 MHz i od 470 do 862 MHz (RRC-06)

Željko Knežević, pomoćnik ministra komunikacija i prometa BiH, dao je uvodno obrazloženje. Istakao je da se radi o značajnoj konferenciji u okviru Međunarodne telekomunikacione unije, čija je tema bio jedan veoma važan resurs, a to je frekventni spektar. Ovi finalni akti Konferencije odnose se prvenstveno na koordiniranje i usklađivanje frekventnih planova a naročita pažnja posvećuje se digitalizaciji javnih sistema emitiranja po državama. Dodao je da Evropa a i ovaj region kreću u pravcu digitalizacije broadcasting sistema, i to za ovaj region započinje s ovom konferencijom, odnosno prihvatanjem Finalnih akata Konferencije a trebalo bi se završiti 2015. godine. Istakao je da je ovaj akt praktično uputstvo za daljnje aktivnosti u smislu digitalizacije javnog sistema emitiranja po regijama. Bosna i Hercegovina je veoma aktivno učestvovala u radu Regionalne konferencije i značajan broj prijedloga bosanskohercegovačke delegacije kao i frekventnog plana prihvaćen je i uvršten u Finalne akte, odnosno frekventne planove utvrđene na Konferenciji.

Nakon izlaganja predstavnika Ministarstva, članovi Komisije jednoglasno su odlučili predložiti Domu naroda davanje saglasnosti za ratifikaciju Finalnih akata Regionalne konferencije za radioveze za planiranje digitalnog zemaljskog radiodifuznog servisa u dijelovima regiona 1 i 3, u frekvencijskom opsegu od 174 do 230 MHz i od 470 do 862 MHz (RRC-06).

Ad.9. Davanje saglasnosti za ratifikaciju Sporazuma između Bosne i Hercegovine i Slovačke Republike o unapređenju i uzajamnoj zaštiti ulaganja

Ad.10. Davanje saglasnosti za ratifikaciju Sporazuma o ekonomskoj saradnji između Vijeća ministara BiH i Vlade Republike Slovačke

Predsjedavajuća je ponovo predložila da se ova dva sporazuma razmatraju zajedno, s obzirom da su oba u nadležnosti Ministarstva vanjske trgovine i ekonomskih odnosa BiH i da se njima reguliraju srodna pitanja.

Obrazloženje sporazuma iz tač. 9. i 10. dnevnog reda dao je Mithat Salić, šef Odsjeka za bilateralne trgovinske odnose u Ministarstvu vanjske trgovine i ekonomskih odnosa BiH. Naglasio je da se radi o sporazumima sklopljenim s ciljem unapređenja i jačanja ekonomskih odnosa na principima ravnopravnosti i uzajamnoj zaštiti ulaganja i produbljivanja ekonomske saradnje između Bosne i Hercegovine i Slovačke Republike. Dodao je da su zaključeni sporazumi u potpunosti u saglasnosti s odredbama međunarodnog ugovornog prava te s pravilima Svjetske trgovinske organizacije, kao i da je provedena sva neophodna procedura u skladu s odredbama Zakona o postupku zaključivanja i izvršavanja međunarodnih ugovora.

Nakon iznesenog obrazloženja, članovi Komisije jednoglasno su odlučili predložiti Domu naroda davanje saglasnosti za ratifikaciju:

-Sporazuma između Bosne i Hercegovine i Slovačke Republike o unapređenju i uzajamnoj zaštiti ulaganja, i

-Sporazuma o ekonomskoj saradnji između Vijeća ministara BiH i Vlade Slovačke Republike.

Ad.11. Davanje saglasnosti za ratifikaciju Konvencije o međunarodnoj trgovini ugroženim vrstama divljih životinja i biljaka (CITES), potpisane u Vašingtonu D.C., 3. marta 1973. i dopunjene u Bonu, 22. juna 1979.

Predstavnica Ministarstva vanjske trgovine i ekonomskih odnosa BiH Nermina Skejović-Hurić naglasila je da je ovu konvenciju potpisalo 145 država u svijetu, a da je Bosna i Hercegovina jedna od posljednjih država koja joj pristupa. Ova konvencija ima veliki značaj i ulogu u zaštiti biljnih i životinjskih vrsta. Predsjedništvo BiH donijelo je odluku o pristupanju ovoj konvenciji na 21. sjednici, u augustu 2007 godine. Ona ima i svoje dodatke u kojima je tačno definirano koje životinje i biljke spadaju u grupu koja je pod zaštitom, a regulirane su i mjere koje BiH treba preduzeti s ciljem te zaštite. Konvencija omogućava nadzor nad trgovinom i lovom ugroženih vrsta i služi i za suzbijanje ilegalne trgovine.

Nakon obrazloženja predstavnika nadležnog ministarstva, članovi Komisije jednoglasno su odlučili predložiti Domu naroda davanje saglasnosti za ratifikaciju Konvencije o međunarodnoj trgovini ugroženim vrstama divljih životinja i biljaka (CITES), potpisane u Vašingtonu D.C., 3. marta 1973. i dopunjene u Bonu, 22. juna 1979.

Ad.12. Davanje saglasnosti za ratifikaciju Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske - Ravnateljstva policije - o provođenju mješovitih patrola uz zajedničku državnu granicu

Ad.13. Davanje saglasnosti za ratifikaciju Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske - Ravnateljstva policije - o osnivanju zajedničkih radnih grupa za suzbijanje kriminaliteta

**Ad.14. Davanje saglasnosti za ratifikaciju Protokola između Ministarstva sigurnosti BiH
- Granične policije - i Ministarstva unutarnjih poslova Republike
Hrvatske - Ravnateljstva policije - o upućivanju službenika za vezu**

**Ad.15. Davanje saglasnosti za ratifikaciju Protokola između Ministarstva sigurnosti BiH
- Granične policije i Ministarstva unutarnjih poslova Republike Hrvatske
- Ravnateljstva policije - o službenom tranzitu preko državnog područja
druge ugovorne strane s ciljem postupanja na vlastitom državnom području**

Na prijedlog predsjedavajuće, vođena je objedinjena rasprava o sva četiri protokola za koje se traži prethodna saglasnost za ratifikaciju. Uvodno obrazloženje za sve protokole između Ministarstva sigurnosti BiH – Granične policije - i Ministarstva unutarnjih poslova Republike Hrvatske – Ravnateljstva policije - dao je Radiša Samardžija, načelnik Kabineta direktora u Graničnoj policiji BiH. Naveo je da se radi o protokolima čija je obaveza donošenja proizašla iz Sporazuma o saradnji u nadzoru granice između Republike Hrvatske i Bosne i Hercegovine, koji je potpisan 2007. godine između Vijeća ministara BiH i Vlade Republike Hrvatske. Radi se o provedbenim sporazumima koji će u svakom slučaju doprinijeti stvaranju efikasne granične sigurnosti, a ujedno će BiH, odnosno Granična policija BiH, dostići određene standarde s ciljem približavanja standardima Evropske unije. Navedeni protokoli potpisani su 6.6.2008., a potpisao ih je direktor Granične policije na osnovu ovlaštenja Predsjedništva BiH.

Članovi Komisije jednoglasno su odlučili predložiti Domu naroda davanje saglasnosti za ratifikaciju:

- Protokola između Ministarstva sigurnosti BiH – Granične policije i Ministarstva unutarnjih poslova Republike Hrvatske – Ravnateljstva policije - o provođenju mješovitih patrola uz zajedničku državnu granicu;

- Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske – Ravnateljstva policije - o osnivanju zajedničkih radnih grupa za suzbijanje kriminaliteta;

- Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske – Ravnateljstva policije - o upućivanju službenika za vezu;

- Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske – Ravnateljstva policije - o službenom tranzitu preko državnog područja druge ugovorne strane s ciljem postupanja na vlastitom državnom području.

Ad.16. Razmatranje 14. monitoring izvještaja Sekretarijata Vijeća Evrope za Bosnu i Hercegovinu: Ispunjavanje obaveza i preuzetih zadataka i provođenje programa o postpristupnoj saradnji (juni 2007. – maj 2008.)

Ad.17. Razmatranje Rezolucije Evropskog parlamenta od 10. 7. 2008. o dokumentu strategije Komisije za proširenje iz 2007. (2007/2271(INI))

Ad.18. Razmatranje zaključaka Vijeća Evropske unije o zapadnom Balkanu usvojenih na sastanku 22. 7. 2008.

Predsjedavajuća Komisije podsjetila je da se radi o dokumentima dostavljenim od Ministarstva vanjskih poslova BiH koje Komisija treba primiti k znanju. O navednim dokumentima nije vođena rasprava a članovi Komisije za vanjsku i trgovinsku politiku, carine, saobraćaj i komunikacije Doma naroda jednoglasno su ih sve primili k znanju.

Ad.19. Razmatranje izvještaja s putovanja:

- **Izvještaj o sastanku Parlamentarnog komiteta Parlamentarne dimenzije SEI, Chisinau, Moldavija, 26. 5. 2008.;**
- **Izvještaj sa sastanka Općeg komiteta za ekonomske poslove Parlamentarne skupštine Centralnoevropske inicijative, Prag, 12. 6. 2008.;**
- **Izvještaj s trećeg dijela redovnog zasjedanja Parlamentarne skupštine Vijeća Evrope, Strasbourg, od 23. do 27. 6. 2008.;**
- **Izvještaj sa 17. godišnjeg zasjedanja Parlamentarne skupštine OSCE-a, Astana (Kazakhstan), od 29. 6. do 3. 7. 2008.;**
- **Izvještaj sa 69. Rose-Roth seminara Parlamentarne skupštine NATO-a, održanog na Svetom Stefanu, od 24. do 26. 7. 2008.**

Članovi Komisije za vanjsku i trgovinsku politiku, carine, saobraćaj i komunikacije Doma naroda jednoglasno su primili k znanju izvještaje s putovanja.

Ad.20. Tekuća pitanja:

- **Zapisnik sastanka Komisije za vanjske poslove PDPSBiH i Komisije za vanjsku i trgovinsku politiku, carine, saobraćaj i komunikacije DNPSBiH s novoimenovanim ambasadorima BiH, održanog 2.9.2008.**

Članovi Komisije za vanjsku i trgovinsku politiku, carine, saobraćaj i komunikacije Doma naroda razmotrili su i jednoglasno primili k znanju Zapisnik sa sastanka Komisije za vanjske poslove PDPSBiH i Komisije za vanjsku i trgovinsku politiku, carine, saobraćaj i komunikacije DNPSBiH s novoimenovanim ambasadorima, održanog 2.9.2008.

Sjednica Komisije završena je u 15 sati.

Sekretar Komisije
za vanjsku i trgovinsku politiku,
carine, saobraćaj i komunikacije
Nenad Pandurević

Predsjedavajuća Komisije
za vanjsku i trgovinsku politiku,
carine, saobraćaj i komunikacije
Alma Čolo